

1 TESALONICENSES

Pablo pea, cū mena macã cūre pade nemori majꝝ Timoteo, romanos cūja ca doti niiri yeparꝝre ca niiri yepa Macedonia yepare ca nii majuropeeri macã Tesalónica macãrãre, Jesucristore cūja ca tꝝo nꝝnꝝjeero cū ca tiiricarã yee maquẽre cūre cū ca wedegꝝ earo Corintopꝝ niiuipi.

Jesucristo, cū yee quetire cū ca wede doti cojoricꝝ cū ca wederijere tꝝorã, judíos ca ni-itirã, judíos cūja ca tii jꝝo doorique peere ca tii nꝝnꝝjeerucumiricarã Jesucristo yee queti peere cūja ca tꝝo nꝝnꝝjee nꝝnꝝa waaro macã, do biro tii majiña maniro cūre to ca bii camota nꝝnꝝa waaro, tii macã ca niiricꝝ waacoaupi Pablo. To biro bii pacagꝝ, to cãnacã tiira bꝝaro ꝝjea ni-irique mena Cristo yee quetire ca tꝝo nꝝnꝝjeerãre tꝝgoeñarucuupi. Cūja yee maquẽre bꝝaro majiruga niirucuupi. Cūja yeere cū ca queti tꝝorije pea añurije niuipa.

Teere ca bootirã do biro tiiya maniro ñañoaro cūjare cūja ca ñi cotecã pacaro, Cristore ca tꝝo nꝝnꝝjeerã pea, tii yepa macãrã Cristo yee quetire ca tꝝo nꝝnꝝjeerã niipetirãꝝre, añuri wãme ca nii ñño niirã niuipa. Tee tiigꝝ Pablo bꝝaro ꝝjea niirique mena Æmãreco Pacꝝre “Mꝝ añu majuropeecã” cūre ñi cūja peera ñucã to birora cūja ca tꝝo nꝝcũ bꝝocõa niirijere ꝝjea niirique mena, “Añu majuropeecã,” cūjare ñi, queti owa cojoupi (1.1—3.13).

Cristore tɔo nɛnɛjeerã añuri wãme cãja ca bii ñño jɔoriquere, buaro jañuri cãja ca tɔgoeña bayi nɛnɛa waapere cãjare wede majio yapanogura (4.13—5.11), cãja ca majirɔgarique buaro jañuri wede majiorique cãja ca boorije, ca bii yairicarã cãja ca cati tuarijere, to biri Wiogɛ nemo cũ ca doope maquẽre, wede majiomi.

To biro ñicã, jĩcã wãmeri cãjare wede majiorique mena, ñucã “Teere tiiya,” ñirique mena, queti owa yapano cojomi (5.12-28).

Tesalónica macãrãre Pablo cã ca queti owa cojo jɔorica pũuro

Añu dotirique

¹ Yɛ Pablo, Silvano, Timoteo jãa mena, mɛja Ɔmɛreco Pacɛre ca tɔo nɛnɛjeerã, mani Pacɛ Ɔmɛreco Pacɛ mena, to biri cũ Macũ Jesucristo mena, ca niirã Tesalónica macã macãrãre jãa añu doti cojo. Ɔmɛreco Pacɛ, cũ yee añurije, añuro niirique, mɛjare cã tiicojojato.

“Añu majuropecã,” Ɔmɛreco Pacɛre Pablo cã ca ñirique

² Jãa ca juu buerucuro cõrora mɛjare tɔgoeñari, mɛja niipetirã yee jɔori to cãnacã tiira, “Añu majuropecã,” jãa ñirucucã Ɔmɛreco Pacɛre. ³ To cãnacã tiira mani Pacɛ Ɔmɛreco Pacɛ cũ ca ña cojore, díamacũ tɔo nɛcũ buoma ñirã mɛja ca pade niiriquere, to biri ñucã Cristore yuema ñirã ñañaro tamɔo pacarã, to birora mɛja ca tɔgoeña bayicõa niirijere jãa tɔgoeña.

⁴ Jãa yaarã Æmureco Pacu cã ca mairã, cã majurope cã ca beje amiricarã maja ca niirijere jãa maji. ⁵ Æmureco Pacu yee añuriye quetire majare wede yujurã, wederique wadora majare jãa ïi yujutiw. Æmureco Pacu cã ca yeri tutuarije mena ca ïa ñaaña manirije tii bau niirique mena, ñucã Añuri Yeri maja ca tãgoeña wajoaro cã ca tiirijere mena, majare jãa wede yujuw. Ñucã majara añuro maja ca niipere boojãrã, maja pãtopu niirã jãa ca biirique cãare añuro maja maji.

⁶ Maja pea, jãa ca biiricarore birora, ñucã mani Wiogu cã ca biiricarore birora, Añuri Yeri cã ca tii nemorije jãori, ñañoaro maja ca tamorije watoara, añuriye quetire ñjea niirique mena maja tão nãnjeeew. ⁷ To biro biima ïirã, Macedonia, to biri Acaya yepari macãrã mani Wiogu Jesucristo yee quetire ca tão nãnjeeerãre, “Mani cãa cãjare biro ca biiparã mani nii,” cãja ca ïi ïaro maja bii ïïoupa. ⁸ Maja jãorira, mani Wiogu yee añuriye queti Macedonia, to biri Acaya yepari wado méere bii jeja nãcãwa. Niipetiri yeparip jeja nãcãcoa, ñucã to birora Æmureco Pacu re díamacã maja ca tão nãcã bãorije cãare, maji peticoama. To biri, maja ca bii niirijere cãja ca ïa maji peticoaro macã, ñee peere jãa wede majiti yua. ⁹ Mee, cãja majuropeera maja pãto jãa ca earo, añuro mena, “Año niiña” jãare maja ca ïiriquere, ñucã añuriye quetire majare jãa ca wedero jiro, weericarãrena maja ca nãcã bão niimiriquere yerijãari, Æmureco Pacu ca catigu, díamacã ca nii majuropeegu peere maja ca tii nãcã bãorique cãare wederucuma. ¹⁰ Ñucã to birora jãare ïirucuma, cã macã Jesucristo ca bii

yaicoaricɨpɨarena, Ɔmɨreco Pacɨ cɨ ca yeri tutu-
arije mena cɨ ca cati tuaro cɨre cɨ ca tiiro jiro,
ɨmɨreco tutipɨ ca tua mɨa waaricɨ, ñucã nemo
cɨ ca duwi doopere mɨja ca yue niirucurije cãare.
Jesucristora niimi, ñañoaro mani ca biiboriquere
manire ca ametɨene bojaricɨ.

2

Tesalónicarpɨ Pablo cɨ ca pade niirique

¹ Yɨ yaarã, mɨjara mɨja maji, mɨjare ñarã earã,
watoa petira jãa ca biitiriquere. ² Ñucã jɨguero
Filipos'pɨ ñañoaro ñi tuti eco, ñañoaro tii eco, bii
pacarã, ñañoaro jãare ca biiro watoara, Ɔmɨreco
Pacɨ jãare cɨ ca tii nemoro mena tɨgoeña tutua,
ñañoaro tamɨo pacarã añurije quetire mɨjare jãa
ca wederique cãare mɨja maji. ³ Mɨjare jãa ca
bue majiorijea, no ca boorora ñi maa wijiarique
nii, ñañoaro mɨjare tiirɨgarique mena, ñucã jĩcɨ
ɨno peerena ñi dito eperɨgarique mena, mɨjare
jãa ñitiwɨ. ⁴ To biro ñitirãra, Ɔmɨreco Pacɨ, “Año
majuropeecãma,” ñi ña beje yapanori jiro, añurije
quetire cɨ ca wede dotiricarãre birora jãa wedewɨ.
Jãa, bojocara “Año majuropeecã to biro mɨja ca
tiirije,” jãare cɨja ca ñipe ɨnore jãa amaati. Ɔmɨreco
Pacɨ mani ca tɨgoeña niirijepɨre ca ña majigɨ
pee, “Año majuropeecã,” cɨ ca ñipe peere jãa ama.
⁵ Ñucã wapa tiirica tiiri wapa taarɨgama ñirãra,
tɨoricaro añurije mɨjare ñi mecɨo, no ca boori
wãme ñi dito nucɨ yuju, jãa ca tiitirique cãare
mɨja maji. Ɔmɨreco Pacɨ niimi atere ca majigɨ.
⁶ Ñucã jĩcãti ɨnora, jĩcãrã ɨnorena, mɨjarena, ñucã
aperã ɨnorena, “O biro ca biirã mɨja nii,” jãare ñi

nucū buorique unore jāa amaatiwū. ⁷ Jesucristo yaarā, cū yee quetire ca wede yujurāre birora, ca doti majirā jāa ca niirijere, “Jāa ca ĩrore biro tii nūnūjeeya,” mūjare ca ĩcāboricarā niicā pacarā, mūja watoarūre wimarāre biro jāa bii yujuwū. Jĩcō nomio cō punare ũpūo majo, ĩa nūnūjee, cō ca tii niirore birora, ⁸ buaro peti mūjare maima ĩirā, Ũmūreco Pacū yee queti wadorena mūjare wedetirāra, jāa ca cati niirijepū cāare mūjare jāa tiicojocārūgamīwū. ¡Ano cōro buaropū jāa ca mairā mūja nii eacāwū! ⁹ Jāa yaarā, Ũmūreco Pacū yee añurije quetire mūjare wede niirā, jĩcū mūja mena macū unō peerena mūja ca cūorijere, “Jāa cāare tiicojōya,” ĩi pato wācōricaro maniro, jāa ca boorijere wapa taarūgarā jāa majurope, maniro ca bii waaricarā ũmūrecoli, ñamiri jāa ca pade bua ñaarucuriquere mūja majicu.

¹⁰ Ũmūreco Pacū to biri mūja, mūja nii, mūja Jesucristore ca tuo nūnūjeerā menare, ñañarije maniro, añuri wāme mena, “To biirije biima,” ĩi ecoricaro maniro, jāa ca biirique cūti niirijere ca majirā.

¹¹ Ũucā mūja ca niiro cōrorena, jĩcū cūja pacū cū punaare cū ca tiirore biro mūjare jāa tii niīwū.

¹² Mūjare wede bojoca catio, mūja ca tūgoeña bayiro tii, Ũmūreco Pacū cū ca doti niiri tabepū, to biri cū yee añurijepū ca niiparā, mūjare ca juogu yaarā ca niirāre birora añuro niirique cūti niīña, mūjare jāa ca ĩi wederique cāare mūja majicu.

¹³ To biri jāa pea, to birora, “Añu majuropeecā,” Ũmūreco Pacūre jāa ĩicōa nii, Ũmūreco Pacū yee quetire mūjare jāa ca wedero, “Bojoca cūja ca ĩirijerena mani tuo nūnūjeeticu,” ĩitirāra, teere mūja

ca tɔo nɔnɔjeerique ca niiro macã. Tea, díamacũra Ɛmureco Pacɔ cã ca wede majiorije peti niiro bii. Teera, mɔja Jesucristore ca tɔo nɔnɔjeerãre, añuro mɔja ca niirique cɔti niiro tii. ¹⁴ Mɔja yɔ yaarã, mɔja yaarã ñañoaro mɔjare cãja ca tiiruga nɔnɔjeero ñañoaro tamɔorã, Judea macãrã Ɛmureco Pacɔre ca tɔo nɔnɔjeerã Cristo Jesús yaarã ca niirã cãja ca biiricarore birora mɔja tamɔoupa. Cãja cãa cãja yaarã judíos'rena ñañoaro tiiruga nɔnɔjee ecoupa. ¹⁵ Anija judíos'ra, Wiogɔ Jesús're jãawa, jɔgueropɔ Ɛmureco Pacɔ yee quetire wede jɔgueri maja niiquĩricarãre cãja ca jãaricarore birora. Jãa peera jãare cõa wienewa. Ɛmureco Pacɔre ca bootirã niima. Bojoca niipetirãrena ajia tuticãma. ¹⁶ Judíos ca niitirãre, ñañoaro cãja ca biiboriquere cãja cãa cãja ametɔajato ñirã, añurije quetire cãjare jãa ca wedero cãare bootima. O biro tii niirã, õo pee jañuri ñañarijere tii nɔnɔa waacãma. To cãja ca biicã pacaro, teere peotirugaro, Ɛmureco Pacɔ cã ca ajiarije pea, cãjare bii ñaapea ea yerijãajapa.*

Tesalónicarpɔ nemo Pablo cã ca waaruga tɔgoeñarique

¹⁷ Yɔ yaarã, jĩcã cuu mɔjare camotati waarã, mɔjare ñati pacarã, to birora jãa yeripɔra mɔjare tɔgoeñari, bɔaro mɔjare jãa ñarã waarugarucumiwɔ. ¹⁸ Jãa waarugamiwɔ. Yɔ

* **2:16** Pablo, Tesalónica macãre cã ca earicaró jiro, jĩcãrã judíos añurije quetire ca junarã, Pablo cã ca tii yujuriquere, cã ca biirique cɔti niirijere, ca manirijerena ñañarije cãre ñi wede pai jɔo waaupa. To biri cã pea to biro cãja ca ñirijere, “To biro ñicãrã ñima, yɔ, to biri yɔre pade nemori maja, mɔja watoare bɔaro mɔjare mairique mena jãa pade yujuwɔ” ñigɔ, cã ca ñirique niipupa.

Pablo majuropeera, paꝝ tiiri yꝝ waarꝝgamiwꝝ. Satanás pee, “To biro ca biipe niicu” ñi majiña maniro, jāare boca tii camota niiwi. ¹⁹ To docare: ¿Noa pee cūja niiti, mani Wiogꝝ Jesucristo nemo ati yeparꝝ cū ca dooro, “Anija niima, mꝝ yee quetire jāa ca wedero jāare ca tꝝo nꝝnꝝjeericarã,” cūre jāa ca ñi ꝝjea nii bocaparã? ¿Mꝝja méé mꝝja niiti? ²⁰ Mꝝjara mꝝja nii, wederique paio, ꝝjea nii, jāa ca biiro ca tii niirã.

3

¹ To biri mꝝjare ñarꝝgarã nꝝcãtima ñirã, “Atenas macãrã mani ca tuaro añurucu,” jāa ñi tꝝgoeñawꝝ. ² To biro ñiri, Timoteo, jāa yee wedegꝝ, Æmꝝreco Pacure pade nemori majꝝ añurije queti Cristo yeere wederi majꝝre jāa tiicojo cojowꝝ, díamacū mꝝja ca tꝝo nꝝcū bꝝorijere “Díamacūra nii,” mꝝjare ñi, mꝝja ca tꝝgoeña tutuaro tii, ³ ñucã jĩcū ꝝno peerena ate do biro tii majiña maniro ñañaro bi-iriquera tii maa wijio, ca biitipere biro ñirã cūre jāa tiicojo cojowꝝ. Mee mꝝja majuropeera o biro ñañaro ca tamꝝoparãra mani ca niirijere mꝝja maji. ⁴ Ñucã apeyera mꝝja mena niirã, “Ñañaro mani biirucu” mꝝjare jāa ñi wede majiowꝝ. To birora biijapa. Mee mꝝja maji. ⁵ To biri nꝝcãti wãma ñigꝝ, díamacū mꝝja ca tꝝo nꝝcū bꝝorijere “Do biro cūja biibuti,” ñima ñigꝝ, Timoteore yꝝ jāiña doti cojowꝝ, Satanás ñañarije peere cūja ca tiiro cū ca tiijata, “Jāa paderique watoa maquẽ peti tuabocu” ñi tꝝgoeña uwima ñigꝝ.

Timoteo añurije cū ca wederique

6 Mecāra Timoteo, Tesalónicapu ca niiricu, díamacū mija ca tuo nucū buorijere, mija ca ameri mairijere, añurije queti cuti tua eami. Ñucā añuro ujea niirique mena mujare tugoeña, ñucā mujare jāa ca ĩarugarore birora, cūja pee cāa manire ĩarugama jāare ĩi wedemi. 7 Jāa yaarā, niipetirije ñañaro tugoeñarique pai, ñañaro tamuo, jāa ca bii niirije watoare, to birora díamacū mija ca tuo nucū buocōa niirije juori, jāa ca tugoeña tutuaro jāare mija tiiwu. 8 Wiogure to birora mija ca tugoeña tutuacōa niirijere queti tuori, añuro cati añurā jāa nii mecāra. 9 ¿Do biro pee tiicāri, mija yee juori, Umureco Pacu cū ca ĩa cojorore, buaro ca ujea niirā jāa ca niiro mija ca tiirije juori, jāa Umureco Pacure, “Añu majuropeecā,” jāa ĩi boja majibogajati? 10 Jāa majuropeera mujare ĩarā waari, díamacū mija ca tuo nucū buorije ca djarijere, díamacū mija ca tuo nucū buo peotiro jāa ca tiirā waaro jāare cū tiijato ĩirā, umurecori, ñamiri, Umureco Pacure jāa jāi juu bue niirucu.

11 Mani Pacu, Umureco Pacu majuropeera, to biri mani Wiogu Jesucristo, mujare jāa ca ĩarā waaro, jāare cūja tii nemojato. 12 Wiogu, mujare jāa ca maiore birora, mija ca niiro cōrora buaro jañuri ameri mai, ñucā niipetirāre mai, mija ca tii nunua waaro cū tiijato. 13 Añuro ca yeri tugoeña bayi niirā mija ca niiro cū tiijato, mani Wiogu Jesucristo niipetirā cū yaarā ca ñañarije manirā mena cū ca doori ramure, mani Pacu Umureco Pacu cū ca ĩa cojorore, ca ñañarije manirā mija ca niipere biro ĩigu. To biro to biijato.

4

Umureco Pacu cã ca ãa biijejarije tii niirique

¹ Yu yaarã, mecũra Wiogu Jesucristo cã ca dotiro mena “O biro biiya,” mujare jãa ãi wede majio: “Umureco Pacu cã ca ãa biijejarije mja ca biirique cuti niirijere buaro jañuri tii jeeño nuña waarãja, jãa ca biirijere mja ca ãa cõoricarore birora mujare jãa ãi.” Biirãpu mee to birora mja tii nii.

² Mee mja maji, Wiogu Jesús cã ca dotiro mena mujare jãa ca wede majioriquere. ³ Umureco Pacu cã ca boorijea, ca ñañarije manirã, numo mani, man man bii pacarã, tii epericarã cutiti, ñucã ⁴ mja ca niiro cõrora añuri wãme nacũ buorique mena numo cuti, mja ca tiiro boomi, ⁵ Umureco Pacure ca majitirã cãja ca tiitore biro ñañaro mja ca tiirugarije peere tiitirãra. ⁶ Ate mena jicũ uno peera cã yee wedegu ñañaro cã ca biiro tii, cãre ãi dito epe, cã tiiticãjato. Umureco Pacua, mujare jãa ca wede majioricarore birora ate niipetirije ca tiirãre, buaropura ñañaro cãja ca tamoro ca tiigu niimi. ⁷ Umureco Pacua, “Ñañarije ca tiirã cãja niijato” ãigu méé, “Ca ñañarije manirã cãja niijato” ãigu, manire jhoupi. ⁸ To biri ate jãa ca wede majiorijere ca junagua, bojocurena tuo junagu méé tiimi. Umureco Pacu, cã Añuri Yeri mujare ca tiicojoricure junagu tiimi.

⁹ Mani yaarãre ameri mairique peera, ñee peere ãirã cõro mujare jãa ca owa cojorije mja booticu, mee Umureco Pacu majuropeepura mja ca niiro cõro ameri maiña, cã ca ãiriquere mja majiupa. ¹⁰ Mee, to birora mja ameri mai nii, Jesucristo ca tuo nuñjeerã Macedonia yepa niipetiro

ca nii cojorãre. Jãa yaarã, to biro mąja ca bii pacaro, “Ameri mairiquere bąaro jańuro tii nąnąa waarãja,” mąjare jãa ńi.

¹¹ Niipetirã mena ańuro nii jańuńa petopąra, mąja ca tiipe ca niirijerena tii, ńucã mąjare jãa ca tii dotiricarore biro mąja majuropeera pade, tii niińa, ¹² mąja ca bii niirije mena Jesucristore ca tųo nąnąjeetirãre ńa nącũ bųo eco, ńucã ńicãrã ųno peerena cąja ca tii nemorã nii, mąja ca biitipere biro ńirã.

*Jesucristo cã ca doope**

¹³ Үą yaarã, ca bii yairicarã cąja ca biipere majitirãra mąja ca niiro jãa booti, aperã “To biro mani biirucu” ca ńi tųgoeńa yuetirã cąja ca tųgoeńarique paireore biro mąja ca biitipere biro ńirã. ¹⁴ Mania, “ Jesucristo ca bii yaicoaricų nii pacagų, cati tu-aupi,” ca ńi tųo nąnąjeerã, to biiri wãmera ńucã, Jesucristore tųo nąnąjeeri ca bii yairicarã cãare cũ menara cąja ca cati tuaro tiirucumi Үmąreco Pacų,” mani ńi tųo nąnąjee.

¹⁵ To biri Wiogų cũ ca ńiricarore birora, mani Wiogų Jesucristo nemo ati yeparų cũ ca tua doori rąmąpųre ca cati niirã, ca bii yairicarãre mani bii jęguetirucu. ¹⁶ Wiogų majuropeera, dotirique mena, Үmąreco Pacų pųto macũ cũ ca wederije

* **4:12** ńicãrã Jesucristore ca tųo nąnąjeerã, cąja yaarã ca bii yaiquńricarãpųre tųgoeńari, Jesucristo ati yeparųre nemo cũ ca doori tabere nii nemotirucuma ńima ńirã, cąja ca tųgoeńarique paio, “Tųgoeńarique paiticãńa,” cąjare ńi wedegų cũ ca ńirique nii. Cap 5 wede majio Wiogų cũ ca doopa rąmąre ca manińa manirije ca niirije (Mt 24.36; Hch 1.6-7). To biirije ńicã pacaro, “Tee peere to birora cãre yuecõa niińa” manire ńi wede majio biiorųa (v 6).

mena, ʘmureco Pacu yaa wuu putirica wuu† putiricaró ca bujurije mena, ʘmureco tutipu ca niiricu duwi doorucumi. To biro cū ca bii doori tabera, Cristore tuo nanujeeri ca bii yairicarā cati tua juorucuma. ¹⁷ Jiro, mani ca catirā ca tuaricarā, bueri bururipu cūja menara mani ami mua waa ecorucu, mani Wiogure bueri bururipu cāre bo-carā waarā. O biro biicāri, Wiogu mena to birora mani niicōa niirucu. ¹⁸ To biri ate mena mija ca niiro cōrora, “To biro mani biirucu” ameri īi, tūgoeña bayi, tii niīña.

5

¹ Yū yaarā, “Mani Wiogu, tii rumu, tii cuu ca niiro doorucumi,” ĩriquerura owa cojorique mija booti. ² Mee, añuro mija maji, mani Wiogu cū ca doori rumu, “Cū doocumi,” ca īi majiña maniri tabe unore, “Jīcū jee dutiri maju ñamipu cū ca earore birora bii earucumi,” ĩriquere. ³ “Mee, niipetirōpura añucā, ñañaro ca biirucurique cāa mani,” cūja ca īi niiri tabere, jīcō nomio cō ca macū cutiri tabe ca earo puniro cō ca tūgoeñarore birora, ñañaro cūja ca bii yaipe cūjare bii earucu. Do biro pee bii, duti majitirucuma.

⁴ Yū yaarā, mija, ca naitīarije watoapu mija niiti, Wiogu cū ca tua doori rumu, jee dutiri majure biro jāare bii ucene eare ĩrā. ⁵ Mija niipetirōpura ca boeri tabe, ñucā ʘmureco macārā mija niī. Ñami macārā, ca naitīari tabe macārā mani niiti mania. ⁶ To biri aperāre biro ca cānitiparā mani niī. Cānitirāra, añuro ca cati añurā ca niī yueparā

† 4:16 ʘmureco Pacu yee trompeta.

mani nii.* ⁷ Ca cãnirã ñamire cãnima. Ca cãmurã, ñamire cãmuma. ⁸ Mani pea umureco macãrã ni-iri, to cãnacã rumura añuro ca cati añurã ca ni-iparã mani nii. Umureco Pacure díamacũ mani ca tuo nũcũ buorije menara, mani ca ameri mairije menara, come jutiro mena mani upure jãña bojoca tooye cutirãre biro bii, Umureco Pacu manire cã ca ametuenerere mani ca yue niirijera come coro peja, bii bojoca tooye cuti, ca bii yue niiparã mani nii. ⁹ Ñañaro cãja biijato ñigu méé, manire juupi Umureco Pacu. Mani Wiogu Jesucristo juori, ñañaro mani ca biiboriquere cãja ametuajato ñima ñigu, manire juupi. ¹⁰ Manire ñima ñigura, bii yaiupi Jesucristo, catirã cãa, ñucã bii yairã cãa, cã menara mani ca niipere ñigu. ¹¹ To biri, mee muja ca tii niirucurore birora, ameri wede majio ujea nii tugoeña bayi, tiicõa niiña.

Pablo cã ca wede majio cojorique

¹² Yu yaarã, muja watoa ca pade niirãre, mani Wiogu cã ca boorore biro mujare ca wede majio juguerucurãre, nũcũ buorique mena cãjare ñaña.

¹³ Cãja ca pade niirije juori, buaropura cãjare nũcũ buo, buaro cãjare mai, cãjare tiiya. Muja ca niiro cõrora añuro niirique mena ameri yaarã cuti niiña.

¹⁴ To biri ñucã yu yaarã, atere mujare jãa tii doti cojo: “Muja mena macãrã jicãrã ca biijaya manirije ca tiirãre tuti bojoca catio, ca tugoeñarique pairãre cãja ca tugoeña tutuaro tii, ca tugoeña tutu-atirãre cãja ca tugoeña tutuaro cãjare tii, niipetirã menare pato wãcãricaro maniro añuro nii, biiya” mujare jãa ñi.

* 5:6 Mt 24.42-43; 25.13; Mc 13.34-37.

15 Jĩcũ uno peera ñañoaro ca tiigũre, ñañoaro cũ ca tii ametipere biro ñirã, tũo majiri niiña. To biro tiitirãra, añuriye maquẽ pee wadore tii niiña. Mũja wado mée, niipetirã mena to biro tii niiña.

16 To birora mũjea niicõa niiña. 17 Juu bue yerijãaticãña. 18 Niipetirije mũjare ca biirijere, “Añu majuropeecã” ñiña Æmũreco Pacũre. To biro mũja ca ñirijere boomi Æmũreco Pacũ, mũja, Cristo Jesús're ca tũo nũnũjeerãre.

19 Añuri Yeri mũjare cũ ca majio niirijere camo-taaticãña. 20 Æmũreco Pacũ cũ ca majioro mena ca biipere ca wede jũguerã cũja ca wederijere tũo junaticãña. 21 Niipetirijerũrena ña beje cõõña peti, añurijere tii nũnũjeeya. 22 Niipetirije ñañarije tiiriquere tii nemoticãña.

23 Æmũreco Pacũ majuropeera, añuro niirique Æmũreco Pacũ, niipetirijerũrena ca ñañarije manirã mũja ca niiro mũjare tii, mũja upũ niipetirore, mũja ca catiro jãñarijere, mũja yerire, mũja upũre, ca pojarije manirã mũjare cũ cũo nijato, mani Wiogũ Jesucristo cũ ca tua doori rãmũre. 24 Mũjare ca jũogũ, cũ ca ñirore biro ca tiigũ niimi, ate niipetirore cũ ca ñiricarore biro tiirucumi.

Waarique wuirique

25 Yũ yaarã, jãa cãare Æmũreco Pacũre jãare jãi juu bue bojaya.

26 Mani yaarã, Cristore ca tũo nũnũjeerã niipetirãre, bũaro mairique mena† cãjare añu dotiya.

† 5:26 “Beso santo”. Ro 16.16.

27 Ñucã Wiogũ cũ ca dotiro mena, mani yaarã niipetirãre ati pũuro yũ ca owa cojorijere mũjare yũ bue ñño doti.

28 Mani Wiogũ Jesucristo mũja niipetirãre cũ yee añurijere mũjare cũ tiicojojato.

To biro to biijato.

Pablo

**Umareco pacu wederique
New Testament in Waimaha**

El Nuevo Testamento en waimaja de Colombia

copyright © 2010 Wycliffe Bible Translators, Inc.

Language: Waimaha

Translation by: Wycliffe Bible Translators, Inc.

Waimaha

Brazil

[bao]

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Waimaha

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

578d10cf-36f5-57a0-9c73-7cf116b01c7e